

■ REACZIUNS PARC ADULA

«Jau deploresch il foss tranter il nord ed il sid»

(rtr) *Martin Jäger* è da l'opiniun che las mentalitads da las regions en Grischun sajan fitg differentas. Il sid haja vè las schanzas, il nord ils privels. La regenza grischuna n'è mai s'exprimida per u cunter il Parc Adula. Quai n'è er betg usità sch'i è ina decisiun da la vischnanca. Dentant aveva il chantun sustegnì finanzialmain il svilup dal Parc Adula ed era da projects sco per exempel il Parc Ela. *Jäger* è da l'opiniun che las mentalitads en las regions grischunas èn differentas. En il sid hajan ins plitost vesì las schanzas, en las vischnancas che hajan ditg na hajan ins plitost vè ils privels. Il president da l'uniun Parc Adula, *Fabrizio Keller*, pren enconuschientscha da la decisiun e di ch'i na dettia nagut auter che d'acceptar la decisiun democratica. L'uniun Parc Adula duai vegnir schliada si. Fatg surstar el hajan ils resultats negativs da Medel e da Serravalle. Era *Martin Hilfiker*, il directur dal Parc Adula, è il pli sursatà da questas duas vischnancas. Ma er tar Blenio sajan las speranzas per in gea stadas qua enfin la fin. La discrepanza tranter il nord ed il sid declera *Keller* uschia ch'il sid haja probabel in pli grond basegn per projects per carmalar turists en las regions che las regions dal nord. La presidenta da la vischnauca da Blegn *Claudia Boschetti-Straub* aveva gia prendì cler posiziun encunter il Parc Adula e quai ha ella fatg publicamain. Che sia vischnanca voteschia talmein cler encunter il parc cun 713 na encunter 453 gea è dentant er per ella ina surpraisa. Il resultat saja sorprendent per *Sep Cathomas*. El deplorescha il pli fitg ch'i na saja betg gartegià da far cler a la populaziun l'impurtanza dal project per la region e per il futur. El na sappia betg propi declerar il resultat. Dentant crai el ch'in factur saja segir stà ch'i saja vegnì lavurà cun las temas da la gliעד, ma quai saja in problem general en la politica. *Cathomas* è dentant da l'opiniun ch'i hajan fatg tut il pussaivel per il parc. La differenza tranter nord e sid declera el uschia che las valladas dal sid hajan probabel plitost vesì la posiziun nua ch'i stettian ed hajan vulì prender per vaira la schanza per in svilup.